

存
悔
齋
集

存悔齋集卷三

臣劉鳳詒

經進文

高宗純皇帝實錄前紀

大清高宗法天隆運至誠先覺體元立極敷文奮武孝慈神聖
純皇帝諱

世宗敬天昌運建中表正文武英明寬仁信毅睿聖大孝至誠
憲皇帝第四子也

母孝聖慈宣康惠敦和誠徽敬天光聖憲皇后鈕祜祿氏原任
四品典儀官加封一等承恩公凌柱之女仁慈淑慎恭儉寬和
事

世宗憲皇帝肅範彤闡勤襄內職儲祥毓釐以康熙五十年辛卯八月十三日子時誕

上於雍和宮邸

上生而神靈天挺奇表珠庭方廣隆準頤身發音鏗洪舉步嶽重規度恢遠嶷然拔萃自六齡就學受書於庶吉士福敏過目成誦課必兼治進業日勤動契夙悟洎康熙壬寅年十二祇謁聖祖於圓明園之鑊月開雲

見卽驚愛

命宮中養育撫視周摯備荷

飴顧恩慈

親授書課教牖有加偶舉愛遊說以試誦解融徹獎悅彌至

命學射於貝勒允禧學火器於莊親王允祿肆輒擅能精傳家法每呈殼宮門習園南苑閱體審機疊發奇中垂髫英武觀者莫不欽爲天授而神鎗寶轡準的具存

貽誨有深焉者其年秋隨侍

聖祖巡避暑山莊

賜居萬壑松風讀書其中一日望見

御舟泊晴碧亭畔聞

聖祖呼名卽趨巖壁而下

顧謂勿疾行恐致蹉跌脊益逾常獅子嶺之北爲

世宗藩邸扈蹕時賜園

聖祖幸園中進膳

特命

孝敬憲皇后

孝聖憲皇后問安拜覲

天顏喜溢連稱有福之人以

上豫信也木蘭從獮入永安莽喀圍場

命侍衛引射熊取初圍獲熊兆甫上馬熊突起控轡自若

御槍殪之事畢入武帳

聖祖願語溫惠皇貴太妃曰是命貴重福將過予

恩鑒之神灼然知

聖母

聖子允能膺受多福引朕方來深信不爽者如此雍正元年癸

卯春正月次辛

祈穀禮成是爲

世宗登極後初次大祀之典

召上入養心殿

賜食一盞意已爲他日付託之本志早先定仰告

昊蒼故俾承福受胙也秋八月

御乾清宮密書上名緘固

召諭諸王大臣俾敬藏

世祖章皇帝所書正大光明扁額上使咸喻慎簡元良之本懷
冬至月屆

聖祖仁皇帝週忌大祭

命代謁

景陵隱然以主鬯欽承

眷命所鍾勿忘自始五年丁未年十七

賜成大婚禮於西二所踐祚後賜名重華宮者是也爰偕

孝賢純皇后竭奉歡養盡孝殫誠問視茲謹退居之暇典學時
懋惟以恬靜沖和內葆明德八年庚戌彙書閣所製詩文爲樂
善堂集告成十一年癸丑春正月

世宗諭閣臣曰皇四子素爲

皇考鍾愛今年歲已二十外學識增長朕心嘉悅其集禮官譔
吉稽典錫授藩封

欽定爲和碩寶親王爾時

睿慮淵深冊立不名而爲天下得人貽以大寶聿彰於此每歲
命代祀

北郊肅將告虔甘澤後應

廟薦壇祈罔弗歆格準噶爾之役

兩朝未竟陳師西北兩路

上賓親聆

運籌黔苗不靖繼有兵事

世宗命綜理軍機

諮決大計藉燭遠謀所爲上下感孚天人歸與

殷懷厚望之所繫屬惟

上敬承鹽勉仰憶篤思者閱數十年蓋

上之福祚久長良由

聖祖深愛神知默定於前

世宗垂裕穀詒周注於後用以繼繩一體錫天下臣庶無疆之
庶嘗於

召皇子皇孫大臣入見

宣諭再三終身之慕不啻目前依邇景緬惓惓罔敢謹就聰聽
示述所及暨仰讀

御集詩文所舉臨御以前之實事敬陳簡端

高宗純皇帝實錄後紀

太上皇帝竄聰於

天受命於

天荷

天之篤眷合

天之全體

天鑒在十二齡福當過

予之諭

天貺在廿五齡升香讓善之誠是以六十二年中

登郅治

付鴻業積日筴三萬一千九百而贏

乾緯穆清貞符悠遠致此

躬閱四朝親見七代

嘏崇九袞

謀詒萬葉之洪庥蓋內聖外王之治法道法顯著於億兆人之耳目淪浹於數十年之心髓而超出於千萬端之擬議形容固有宥密所不能仰窺言動所不能悉記者敬惟

天心歆享莫嚴於事

天之禮莫精於格

天之忱

南郊大饗六十次

祈穀五十九次

常雩創舉凡四十一次

雲漢八閔撰舞辭

惠雨四呼製祝版通感翕應對越無間貫之以一氣餘之以四

時萬物成而百昌遂此體

天覆育宙合之大綱也言必稱

天修必念

祖申太王貽孫之鑒篤大舜終身之慕見於紀

恩堂兩記文中是爲

天祚繩承之本始晨讀

五朝寶錄四謁盛京

諸陵瞻

先世鎧甲弓劒以及糠燈角椅之遺修葺城郭宮闕之舊規賦
詠物產土風之淳古

戰績書厨峯臥碑勒箭亭

開國闢方畧儲貳著金鑑藏

太室之冊寶展

離宮之

神御所以昭

在天靈爽之式憑卽以誌

天造經綸基視于勿替而若睿忠諸王之復封爵褚英支裔之
衍宗牒洎惇敘乾清之授筵几錫冠帶所謂一舉事而見

天親之愛胥如

天之仁所照灼而怙冒及之者也若夫

敕天之命因天之道順天之時惟幾也故能成天下之務當承
平日久生齒日繁有政有民天位天祿天職所與共治初年帑

數三百億後且增至七百億有畸藏富之本也初年丁口不二萬萬後多至三萬萬有畸廣生之徵也初年宮中度支歲七萬後且僅以二萬計節儉之原也普免錢糧者五普免漕賦者三普免積欠者再博施之惠也耆民百廿甲子孿產三男四男見元孫者二百家萃同居者八九世登黼黻者盈八千叟人瑞之駢徵

天庥之不應也

社新薦玉

藉勤秉耒咨稼穡卜雨暘河海樅築亟爲小民計農田衣食之安其或旱潦不時發餽發粟無少靳赤子之依春臺之樂熙熙然皞皞然不啻遊

天之化字也

天生民而使司牧內自部旗大臣百司庶府外至文武疆吏監司郡守以上疇咨咸及以時得覲

天顏聆

天語指示周詳唯叢脞恬嬉之戒驛章閣本隨事

批答無稍稍時遇軍務河務賑務諸大端尤厪

宸懷刻卽遄發每秋讞具辭精覈再三勿使畸輕畸重或特施法外之仁胥災肆赦民之協中

天之好生也

省方舉典幸江淞者六莅臺懷者五而嵩而岱近愜就贍津淀之壤接畿輔蘭塞之歲事

獬廌控轡御臚囑于延企

帷宮帳殿儲侍不煩端本于克己而總不出

南巡記敬

天明理之一言至夫

天縱多能緝熙懋學

天章之富文成三集千三百五十餘篇詩成五集四萬一千八百餘首而乙卯後三年復得文三十六篇詩七百五十首舊爲餘集上與典謨雅頌媲美千古乃若仰觀

天文因以化成天下禮樂制度精意具存釐鹵簿之威儀定朝會之典則正陶匏于裸獻諧鏞特于中和盛矣備矣羣書蒐輯評隲攷訂一稟

磨裁四庫七閣之儲太學石經石鼓之刻以至闕里頒周器廟
學易黃瓦釋奠加三獻右文重道

天之所以寵君師彰教澤也肇建辟雍錫宴翰院周覽棘闥又
且五舉制科七開恩榜召試第頒耄儒奏名設灤水之庠置玉
門之驛蒸我耄士彌廣作人

天之所以培文運而振士風者有加厚焉

天錫智勇幼善騎射大西門張毅廿發連中十九內府寶藏虎
神花準諸器肄武習勞審機無星斗之差藩部拱觀罔不懽服
事會所值肅將

天威膚功迭奏拓疆二萬餘里惟

天與迺致人歸蓋

信天主人知幾之神有以握成謀操左券也平準噶爾爲一定
回部爲一掃大小金川爲二靖臺灣爲一降安南緬甸各一降
廓爾喀前後爲二

十全之記

十全老人之寶進古稀耄念而上之

天之助順喜玉昭華虹篆輝映遠至暹羅南掌琉球蘇祿荷蘭
暎咭喇諸國莫不航海來朝敬

天効祝而若郊臺之樹勝靈紫光之繪功臣香山之簡飲飛長
河之練火器京營之增巡校上駟之掄八駿十駟藉以奮武選
奇則又保泰乂民之實徵也

天運健行

聖誠無息且明宵旰惟日孜孜屏服餌卻導養鳩玉不扶鰥鰥弗御淳龐敦固無逸克壽之理信而有徵

四得論所云無一日因微疾而不理事者由于

天賦孔厚而又能以莊敬自持康強自適方冀

天保九如爲

太上皇帝期頤益算

天家之鴻慶賀

天祐之久長惟

天爲大惟

太上皇帝則之

天其申命用休曷有其極乃放勲徂落遽成粵若稽古之辭攀

龍髯而莫追脣

麟筆之頓絕至矣哉巍巍蕩蕩

統天大闢仰

高宗之高一如

天之高贊

天德之純永慕

純皇帝之德之純上下古今疇克臻茲

蒼旻昊上之全量所由光被六合澤流世世萬子孫亘京垓正
載其未有艾者矣

恭進嘉慶四年

起居注後跋

欽惟

皇上仁孝性成

敬勤德懋本

脩紀盡倫以爲法則威

深恩厚澤之所留貽自膺

命纘圖仰承

太上皇帝訓政宮廷

垂慈示矩惟翼日引月長昭粲然龐鴻秩然安和之治歲己未
元日奉

太上皇帝御宮受賀閱夕

聖躬不豫初三日遽讀

登遐之詔中外臣庶舉悲號哀戀之不遑而我

皇上於宅憂盡禮之餘兢兢業業惟以繼

志述事行政用人務率

成憲而綜大綱有伊古經訓所陳史冊所書之未備者臣等親近

天光幸窺

聖蘊凡

孝思之推暨

治法之顯承在所必錄茲恭纂嘉慶四年

起居注成釐爲二十有四卷敬謹繕帙貯函藏諸

金匱天下萬世庶其識彝倫之標準攷閎化之典章於斯爲極

則焉謹按孝經言至德要道以順天下民用和睦申之曰孝德之本也教之所由生也揭其綱曰天子之孝惟愛敬盡於事親德教加於百姓竟其義曰聖人之政惟愛敬哀感而生民之本盡孝子之事終括其要則三才章所謂天之經也地之義也民之行也竊原夫合天經者言之恭覩我

皇上至誠動物

大孝格

天爲

昊天之子以

天子爲父欲報罔極情摯必伸是以於

賓天之日親視斂于

乾清宮示必誠必信也定三年喪制誌

恩厚者服重不拘拘以日易月也縗衣縞帶哀之發於容體者也哭踊無時哀之發於聲音者也居倚廬寢苦枕塊哀之發於居處者也移

殯觀德殿步送弗忍辭勞望望然汲汲然如有追而弗及也百日之內奠獻

几筵稽顙觸地無容爲至痛無飾也初祭大祭以時追養重神事也議

尊諡崇

廟號稱

天而誅孝莫大于

嚴父

嚴父莫大于配

天其所因者本也筮吉日設祖侑御正綽陳

大葬每宿停晨啟拊梓而哭傍窆而行至於

祖陵恭行

代謁之禮制有創遵所先也饗有薦遷有告葬畢有虞升

主有肇祀十日之依往如慕而返如疑也

裕陵上

聖德神功之碑闡述數千言揆方樹石用以論譔

德善功烈慶賞聲名列於天下而明著之後世者也有事於

太廟歆承吉祔煥

寶冊而肅祈祝

妣德咸顯追

尊三世徽懿彰備立愛自親始也上儀具舉

恩綸誕布錫類之廣澤之大者也上有大澤則惠必及下也於
乎燁哉我

皇上之秉天德以全孝德殆合乎記云仁人之事親如事天者
然至行之肫誠本原之篤厚孰有如斯者更繹夫協地義者言
之惟我

皇上化光率土順應廣埏

親政仔肩應事時發爰宣

遺詔勗內外文武臣工及軍營總統諸將以敦臣道復念四

海之大九州之遠民隱務察

初渙大號其母或壅蔽上行下效地道之所爲直方大不習无不利則不疑其所行也

國家有土有財地寶蕃殖五行百產之精英何所不育貢賦惟正慎守恒經

申誠言利至于再四損上益下萬物皆致養焉是以畿縣赤子灤莊耆農近戴

慈暉者全免本年地糧外而直省額徵鏐絹禁黜浮冒轉漕積弊釐剔務盡官母暗浮丁母橫索汰冗費增土宜嚴絕加賦之漸關樞爲商旅籌便減盈餘款目以杜濫取進奉陋習恪遵定制槩從革除新疆運送玉料卽於所至之地棄置效捐金藏

珠之治回人歲金歲段至於瓜果之微爲之刪免折價珠池停撈採銀礦謹封閉發票裁其數私販輕其罰鹽引防其冗滯錢鑄劑其盈虛於治河也睢工礪汎旣以時蒞役一切茭樁畚築責耑於河員勿藉口兼派州縣有司於積穀也循按值買補之令懲吏胥擾索之蠹或糴之鄰境毋得攤富戶縱里魁以滋民累偏災偶告詳核分數有借有賑有蠲有緩積欠免追旁及官之罰者賠者產之絕者子孫之代償者哀多益寡稱物平施下濟而光明也教思無窮容保民無疆說而順剛中而應也至如楚蜀秦豫諸境用兵屢年最勞

肝宵迺慎簡經畧以一事權勦則增勁軍齎餉項易勞卒懲退縮戒尾追咸出以律撫則貸脅從散黨羽屋廬之已燬者餽粥

之不繼者還定安集必無一夫不獲而後已

勝算所及有戰則克冉羅之並俘也蕭張之就戮也冷服箭而死翼掃穴而擒張李之先後伏辜高郝之眞僞立辨以至箐搜逃婦竈繫餓囚靡不經係斧膏同歸殄滅惟

膚謨之擘畫坐照弗遺故能所向必捷措斯民於磐石之安此師貞之吉容民畜衆能以衆正地中有水之象也殆合乎繫辭云

天之所助者順也人之所助者信也不揚我

先烈允定我全功孰能如斯者若夫興民之行事非一端以仁率親厥惟首務

皇上仁敷百族誼洽本支封爵之加崇有典也宗室之舊胄宜

滿也准鄉會以勵英才准部用以寬選格優復黃帶者廿餘人
護衛可以增員奄涓不容濫額凡皆篤親行澤垂法守于將來
其大者尊師重道之典

書額以昭集成興賢造士之方加科以徵彙吉儒臣眷乃先世
學校倣爾頽風勵民俗者最重農務粒食以藏富矣屯種以勸
耕矣保甲守望徭役除免戢强競則窮治逋蕲蓄牧則禁供
雜差治兵則飭旗軍之習練嚴閫帥之操防懲輿舛之怠安飭
器械之精銳扣餉有禁巡警有員徵募有條賞勞有費理刑則
兩字之讞愼爰書也三秋之鞠停肆市也緣坐之辜從省釋也
久戍之孥免羈孤也矜疑之案準平反也貪酷之吏必誅悍獨
之傷可憫又如効一得者予官著微勞者加賞死事者恤篤行

者旌遠而索倫之婦嫠循化之窮瘠舊司降苗之衆南洋遭颶之夷凡夫知義向風莫不同邀

怙冒是則因民之利其教不速而成其政不嚴而治之顯而易見者也是則先之以博愛陳之以德義導之以禮樂示之以好惡有覺德行四國順之者也至於

朝廷整飭大紀懲創擅專執權相而誅罪魁絕貪污而斥朋黨皆以心

堯之

心行

舜之事四罪咸服有同揆焉非聖人者無法孝之所以遠驕溢也忠順不失以事其上孝之所以警夙夜也抑亦一張一弛

文

武之道在是以民畏而愛之則而象之故能成其德教而行其政令者也三代而上愷悌遺風明察端本非至德其孰能順民如此其大者乎臣等職叨載筆祗慚管蠡莫測

高深宋臣曾鞏云德之推而明之者豈獨其迹哉並與其深微之意而傳之深恩闕遺莫能摹繪萬一畧仿成例詮次惟兢慙之無已焉爾



存悔齋集卷三

存悔齋集卷四

臣
劉鳳誥

經進文

恭進

太上皇帝起居注表

緬惟

太上皇帝

德運聖神

治垂經法

顯穹馨貺轉化日之舒長

泰錄凝釐叶昌符之悠久易六十四卦排年而輪衍義爻替三

百六旬積歲而遞書虞冊惟合德合明合序

健行推本於自彊爰繫月繫日繫時

彝訓會歸其有極臣等虔司纂注竊遡遭逢職勉効夫簪豪識
每慙於闕管

一言

一動幸睹記之無遺全始全終舉典章而大備粵若著雍之紀
音皂八以旋筦洪惟

曼羨之床世大千而普蔭循以次載增之數紹

祖徽而

謙凜持盈著

至誠無息之徵逾

耄期而

福敷錫庶恭覩我

太上皇帝

頤時久道

篤祐重熙

開堯廷精一執中之傳

集禹範康強逢吉之慶斟元樞柄

聖人示以

躬行成物鈞埏天下歸於

掌運蓋自辰傳

寶璽算環甲以函三迨乎午炳珠弧歲添籌而

望九時和謂之玉燭戴蒼旻昊上以儀

天民熙如在春臺等蜚仡胥提而邁古昨元晨之錫祉忭溢蘿
圖肇吉事以迎祥

恩延

椿殿星潢拜舞先霑

慈宴之頒瀛漠會同屢奉

怡顏之覲應韶禧而舉例廣被

豐膏洽

彌性以純常欽承

安養

訓禮勤於家法宵旰忘勞

省殷念於歲功雨暘協序

命敷文而視學教崇禮樂於園雍

卜揚武以蒞勲期輟春秋之大閱

巡臨上塞恒承清侍之

歡獮止行圍仍

予韃隨之賚聽臚飲於近

輦禾廬之露積皆羸邀

志喜於

旋宮松棟之雲凝如舊方且萃

好德康寧之福昭

太和保合之符

對時育物而觀厥成

行政用人之規其大本與民而藏富間從裕國之籌在因事以制宜猶是量能之授匪輕詔精慰衆志以急公無壅銓途蒐散材於在野矧齎金而犒士已聞伏莽潛消適繫組以擒渠早報枯槐立蠶書陳懋賞

優施爵秩之榮頌美赫聲迭奏羽書之捷良由

威神決勝膚功揚洗甲之

謨允宜典禮介蕃

眉壽晉先庚之祝肅抒忱而玃牘儀隆

君

父之尊親荷

鑒惻以宣綸感倍地天之

高厚迺復斥彌文而

崇儉俾準

前規增特勝以興賢聿光盛際信

期齡之未艾

受命長而萑祿引康

卻高拱之爲安

葆性淳而精神滋固方意

天加佑厚當疊申

四得之酬

皇敬德慶弗稍釋

三憂之厯冬安寧而驟聞

減膳臘嘉平而間慰問

安洎乎春轉履端猶拜舞仰法宮之

御夫何几憑大漸頓哀號聽

遺詔之宣五福

考終四海遇密書放勲乃徂之語在升聞以位之中篇系武王
既喪之文爲穆卜有瘳之終事例

詩

文之餘集仍

尊養之鴻稱徵三日之慕思成萬年之全帙謹守姬家方策請
益嚴柱下之藏迴思

軒帝冕裳實長抱

鼎成之痛者矣

臣

等敬記乾隆六十三年六十四年

起居注盟錄成書恭呈

皇上御鑒伏祈

敕付內閣收貯

高宗純皇帝實錄聖訓告成恭進表

伏以

泰元崇受錄顯書呈御世之符

福極闡敷言雒筮應光天之運

建綱維于治統蹟表金繩

立模範于政經神貽寶鑑鋪陳郅德轍遠紀以流徽彰燬鴻庥

不惟文集卷四
匪縣區而騰誦爲溯古來史冊從未聞

太上之精勤凡今天下臣民疇不慕

先皇之遺愛事驗諸共知其見化洽夫所過所存萬拜銘心三
薰捧牘欽惟

高宗法天隆運至誠先覺體元立極敷文奮武孝慈神聖純皇
帝

道備尊親

謀詒創守自一二日

萬幾之救體苞乎內聖外王越六十年

九錫之齡恩周乎上蟠下際宜有超前軼後之籍錄以罄戴高
履厚之掄揚惟是

皇猷無外

天大莫名本

心通造化之精成

手付太平之業春秋僅二百卅載未賅史例於麟經虞周合五
十八篇曷究治源于蝌簡書不盡意民弗能忘哀一部之全綱
析四端之廣運蓋惟

聖有實德

神有實徵

武有實功

文有實教

言綸渙其大號皆

升華以後之成謨

面命宣於在廷多

誕聖以來之曩事萬年禮

龍躍之邸兩篇紀

燕翼之恩肆冲幼以

名聞肇賜居而

慈育春侍宴于牡丹臺左

裏稱福且過予秋從獮於木蘭園中

灼知命極貴重憶垂髫而趨

陛豫期宴宴之三開承

誨殷以威弧前定凱歌之十奏洎

世宗之御極昭

嗣服以題楣

祈年頒吉胙之馨

錫封鑒寶命之荷智珠則鏤文四字虹帶則寓式九圍以承
三聖之後先極盛

一家之作述而乃初元獻炷申默籲于

穹蒼周甲積籌讓羸年于

仁祖廿五券操于八五泰三誓惕于乾三閱建癸巳之

郊計

昇丙辰之璽鑑規儲貳勿徒襲國本之虛名

寶篆全人方將廬

心傳于大政徹始終爲一貫合上下與同流緬懷

睿作之淵源綜括

寅承之根柢斯

聖德之昌于萬世者一也

信天作主知幾其

神感呼吸以潛通歆

監觀之在上

齋立宮而

雩立祀逾百五十次之親行

禋用匏而

社用圭稽四三六經之往制

步臨壇所殊頃刻之陰晴

親製版書致立時之霖雨蒙昔

禡旗之佑度青海而冬無冰修古沈璧之儀醜黃河而波不溢
常祝豐年玉滿佛閣霏花更邀

大耋香升龍湫取水歲迓

堂子建杆之喜佳貺曠時展

太廟合作之虔靈承胙蠶闕殿近瞻於

神御呵護有憑陪都屢謁夫

原陵熾昌未艾是以

資名福壽十一世系衍天家屏說祿祥三千億廣增民數嘉禾
瑞繭駢來地寶效珍玉粒精鏐晉爲垓輿藏富而猶

勤求宵旰揭君子所無逸之箴

壽固神明守恒言不稱老之禮下從容之

批答片晷弗踰

愼遲速之機宜萬里如見

成能則範圍不過

知人而哲凜其難當闕

端拱於穆清用告考成於

淵默斯

神徵之超於萬世者二也粵我

大清開國之正義直茂乎亭長寺僧迪惟

列祖垂訓之嚴制毋改乎衣冠騎射想遺囑於

百戰萬靈長護

濯征籌未竟於

兩朝一日詎忘

講武惟是不得已而用恢十盪十決之奇要皆無所利而爲連
五款五俘之勝追元逋于漠北準夷首納名王窮漠塞于天西
回部遠開屯校兩次破桃關之砦何曾謠應維州一時避茅瘴
之風終致樂陳驃國闕下跽交南酋長金身之代堪嗤瓶中指
藏外佛天黃教之販有準乃至臺澎飛舶翦鯨連雙豎之擒黔
楚連營舞羽快三苗之格算

十一征而羸績幾忘發兵鬚白之勞占九二爻以行師彌殷
望捷旗紅之志願戢干而橐矢提封密鞏

皇圖偕輦障以航瀛屬籍忭登王會朝鮮比內諸侯之職蒙古
率舊賓客之行伯克久隸年班土司累修歲覲流求暹斛輸貝
文象齒之琛蘇祿荷蘭習皮服雞翎之拜矧乃春筵波閣勳銘
上將之弓刀

勝纛郊臺威鬯衆軍之饒鼓獵猶勒碣盛張吉日之靈
巡必據鞍彊秉

行天之健五夜之

發謀出慮平生不詡佳兵

九重之保泰持盈舉念常

厘戒得斯

武功之鐐于萬世者三也

治煥文明

心單宥密愛蓮

授讀眷夙慧之天成爆竹飛聲驚下筆之神助舊學彙

樂善堂之製序原說命三篇晚年留

鑑始齋之題詩邁唐家一代

言垂壽世

集冠大成本六藝以爲道德之宗等百王無此

君師之誨

說經之章最富炳大義之昭昭然

論世之解獨神軼古文之渾渾爾是以抽琅七閣先蒼要以排
函圓璧三雍進彝倫而聽

講碑廊虹繞綠槐黃瓦之間奎府星煒珠勝銀袍之地

恩深選造數加科廣額以蟬聯人奮秀良與夷學邊庠而驛致
又且圖披禮器榮冠裳鹵簿之新儀宮定樂縣諧特磬鋪鐘之
古韻

國書隆制作訂三合以同文地志匯源流納九寰而一統爲前
朝議祀議諡典飭綱常於諸史輯傳輯評義公筆削農桑食貨
準通考以授時法律刑名案成編而慎憲用乃博徵縑素詳職
貢並詳職官懸勒機楹

示心聲兼示心畫師古而不泥古酌因革損益之宜學知詎若
生知妙經緯化裁之用斯

文教之敷于萬世者四也如上所系昉益贊禹之謨由前以觀

欽

舜紹

堯之緒述

古稀高視六帝絕權奸佞倖女謁宦寺之政萌記

耄念福備九疇詮壽富康寧好德考終之事實方謂

褰裳日永長聞歸善之詞豈期

成鼎雲遐遽奉

授遺之誥上古中古迄下古式型之典爲昭大書特書不一書

弈禩之懷勿替恭惟

皇帝陛下

德輿紹聞

性敦誠慕

一語止仁之心法恒矢服膺百行惟

孝之本原戀深

握手追泝受

恩之重多臣庶所未知詳稽

實政之全合

動言而爲記期廣大之悉備播悠久以無疆爰於嘉慶四年二月

敕命_臣等爲監修總裁提調纂修等官地依紫禁之垣人直丹

霄之館啟

批章百八十圓按

記注千五百編徧搜官牒于政典之儲恭本

御集爲史法之祖歲深事遠月緯年經凡體例皆稟於

睿裁卽點畫必

精於指正仰

宸興而端冊暑寒殫八載之勤經

乙覽以示程閱見極三生之幸恭成

高宗純皇帝實錄聖訓合凡例目錄清漢蒙古文共五千一百
十五卷敬繕

御製序文於簡首盥沐進

呈

臣

等竊觀

鴻典喬皇

寶書璀璨字詳校上

特隆展帙於親藩儀屆慶成

申命捧緘於宗胄拜受禮嚴於

北面袞冕將虔

尊藏位次于東楹球圖埒重告

珠丘而旋蹕吉先三日之蠲續

金匱以陳函輝映

五朝之錄待啟

鐫門祕鑰史宸垂太乙之觀載齋

鄣宅巍樓

家法付長恩之守伏願

竄聰聰聽

彝訓訓行

神孚於立德立功立言

志繼於其事其文其義

聖人盡君道賴帝魁之簡常存

天子讀

父書寧柱史之藏可比從此

道同揆一蒼禪通合維因提敘命之紀以延釐視茲

文萬旨千胥太平丹穴崆峒大蒙之人而詠澤臣等無任瞻

天仰

聖虔肅休幸之至

恭進嘉慶四年

起居注表

欽惟

皇上性洽生安

道光繼述

君父之恩罔極惟一心奉

家法之貽

帝王之德無加先百行表人倫之範四十載

劬勞欲報億萬禩

付託方長

軒朝迴憶於元正周柱爰詳於隔歲夫古來几側受遺冊度虛

陳末命樞前卽位禮文半涉權宜時事固各有適然肆筵實非
其豫者又或猝投艱鉅僅而蒙業晏安祇自憊于藐孤類不勝
其負荷曷若我

皇上至誠心臺

大政肩仔溯

巍巍乎功也極民無名體

諄諄然命之以行與事經四年之

聰聽逮昨歲而

躬親

彝訓聿懷由舊之章

馭世不尙更新之化

孝敦善述

仁炳閔規自

天子達庶人通神明光四海內外咸歸時措動言悉合經程有
如斯者竊以重巽之申命行事吉叶柔剛大學之理財用人矩
同好惡治由本以及末政大公而無私我

皇上謙德勤求

睿謀英斷力除壅蔽

疇咨佇百爾昌言首懲擅專

宣示發廿條罪狀朋黨罰由自取交通禁所必嚴急親賢而勗
端人正士之修求廣益以副明目達聰之盛龍鍾罷相杜草依
木附之蒙犀照察奸斥雷火卦圖之燭大而經行躔度屏靈臺

史之侈祥甚若搜括封椿絕筭庫臣之効計天之下地之上財
本軋于寰區飢莫食寒莫衣珍合捐夫進奉

乾不言所利慎判顯微

泰適用中行明彰黜陟台衡改命仍使充國屯田使節召還增
重桓榮講席簡參知而兼督樹有爲有守之型權總理于兩衙
酌宜設宜裁之準進茲鴈序協恭敷得體之猷視昔豸戟旌直
作敢言之氣繫六卿之分職率屬共飭朝常當四境之歲豐人
和亟澄吏治制軍開府申小廉大法之箴行省外臺課繳濁揚
清之效觀察本巡方便奏函並許上聞守令爲親民官薦擢勿
拘成格催科巧紊防本色折色之浮收轉漕弊叢革南帳北帳
之虛耗鼓鑄

救增錢卯評貴賤母久停鑪津貼議恤旗丁綜名實絕無加賦
水陸途之橫索關減盈餘金銀氣之閉藏礦嚴開採河工專役
免攤派于有司牧厥間田准興畊于羣僕陋規去其太甚詎窮
搜質庫牢盆積貯察其久虧盜買補城倉里社保甲按戶復設
十家門牌吏胥舞文漫逞一羣刀筆化行斯俗美允當弭絕盜
源訟簡則刑清豈容私製獄具抑揚雖止一字近已甚之事弗
爲嘗試必自小人斷言利之臣不用州縣廳衛成災之地分別
賑借緩蠲川陝楚豫被擾之民全豁銀糧草豆官賠項民欠項
分款免追口私侵竈私鹽論贓減罰通幣米麥船輕添帶土宜
重錦葡萄邊遠刪除折價珠池養布忒海好生逮贏蛤之微玉
石拋棄爾羌負重惜馬駝之乏苟有官聲貪墨漫思肥己囊中

一經衆口雌黃定取殃民證左職供僚屬勿心甘蓮幕私人署
篆優伶何膽肆梨園浪費宜盡絕貪污之跡庶各敦廉耻之風
私室投書傲狂喙亦當遣戍妄談用幣恕穉齒姑予停科寬往
事之追求勵士風之興起頌

大成而題特勝詞垣先七十士之多

訓知方而掇翹材營備分卅餘員之衆復宗人之黃帶赴試席
更遴部曹頒禁旅之金錢甄侍衛同歸軍政廣教忠而任子門
蔭其克勉承寬筮仕之出身貲郎豈無堪用

初年兩賢相

賜官賜舉爾後人舊學三講臣

加諡加祭于沒世館門光以綽楔旌孀婦並到索倫義弁壯其

于懸賞土兵不宜撒拉又況

詔文屢下

德意從新恤成讞以停勾釋罪孥之遠配整齊有法環

輦轂而肅清申理得宜息師箭之訐發巡警嚴于虎翼兩相須
駐劄輪班逋竄錯于犬牙三不管圍寨獲賊禁兇熬之輿坐靜
臺營苗約以安居飭槍械之喪嚴資餉足技嫻爲守望斯實
知周理物法備陶鈞

教善得民世登康阜仁讓之道興而樂利之休溥也至如用兵
一節討叛屢年慟

麟毫望捷於哉生稟

鴻臚定功於未竟玩稽時日由封事關白于樞廷假念

春秋任報牒倉黃於驛遞事權掣肘

宵旰縈心及是時嚴辦賊之程各同力建安民之績一帥慎掄
經畧俾能扼要居中四省咸聽指揮孰敢爭功諉過閫外決勝
惟將軍任之紙上空譚豈書生爲者先聲震于麻壩冉家之父
子雙俘極刑速以槐枯羅氏之弟兄駢剪疊

頒渙號利濟師貞

策勦撫之兼施貸脅從而罔治使僅諷經茹素原非不赦之條
卽至毀室斷殮猶有可生之路明成化流民已事母泥古端合
準今吳隴登苗賞現行除予官皆邀宥罪解釋孤其黨羽綏輯
徧其身家棧山防掠餉之虞烽火下換班之令回殘兵裹瘡返
伍募調例有通融迎送伯輦帶襦三逮問緣其畏葸寨中葢屋

誰知老且偷閒城裏閉門但恐虛猶待鞫勇憐故將歸素旄而
名

命遺孤仇憤義民賞花翎而銜升加等迅報譚家山之捷阱獸
俱殲續移城頭堰之師沙蟲立化小毛坪首梟斯得三逆焉逃
大禾田一線不留全家就洗覆雛巢破夔巫之箐落弦驚歇馬
河乾荆襄之藩籬鐵固繼執紅衫之竄魂飛江市醉泥環攻黑
峪之屯命盡老林鼾睡四畝地翻犁到穴囚活李而證張屍五
塊石著礮成灰縛僞郝並擒高叔賸存纍婦檻籠二醜之蓬頭
混作難民矛箝三傷于枝指計軍行之有戰則克厘
宸注以無慮不周凡皆從

九重苦由之餘冀速蕝萬里戈鋌之事若夫

禮爲教本

行在孝經服二十七月

大喪儀率天下之通替三百六旬始諱日迄周年之感自麻衣之視斂

殯奉乾清及

昇輿之啟塗

筵陳觀德誠信交盡哭踊無時

步送止顙勸之殷

倚廬擇瞻依之近

諡號以尊崇展敬

寶冊受名

廟壇之附配修虔

神靈奉

主九秋

輶駕翼旁灑淚之傷十日

橋陵厝後游衣之慕衢路之悲號潮湧夫給鏹而丁追糧
山邱之守衛班嚴秋怵霜而春泣露

親述

聖神功德豐碑昭

裕後之庥載隆

考

妣馨香寢殿薦

奉先之饗晉

徽稱於

祖后典懋通追推

遺愛於子孫封疏懿戚以至句驪世藩之哀表交趾小王之貢
香土爾扈請薙度修齋哈薩克遵服哀蓄髮霍罕回跣來叩謁
廓喀長梵誦報恩視卅九旗之戚若家人合三萬譯而軌同
國恤

尊親數久

創守緒隆

實錄祕闢於瑤編

神御優承於玉座誌

常雩之攝代禮更寅將定

祈穀於發生春從辛次

四旬弗允正壽之祝十月乃從

咸福而遷事必究夫

行所當行

德其欽大

聖不自聖

臣

等幸叨覩記獲親切於

天光末罄形容効臚編於史職恭查舊例

起居注於次年之冬具奏

敕交內閣收貯今嘉慶四年書成謹奉表以聞

恭進

國朝宮史續編表

伏以

宸居端紫極席蘿徵八會之圖

天府麗珠躔耀藻祕三霄之籍

福崇堂構亶彰

御宇之鴻規

心膺羹牆式篤紹

庭之令緒惟議禮制度考文是爲王者三重必身修家齊國治
而后天下太平

綈案發函瑤編演紀

臣

等誠懼誠幸稽首頓首上言竊惟周官

馭內義昉禮經爾雅釋宮名參王制繡六朝之簿錄殿廷首冠

黃圖創一志于史通禁闕備臚丹地自夫元人編載祇沿門勝
標題降而明季奄書竊述官家瑣事體原鮮要詞且不經塵封
五秩之遺鑑示千秋之炯敬邇我

高宗純皇帝化被久徵

政詒端本著百餘年肅清之

國典綜卅六卷詳備之官規

令宜鑄鐵以猶新

誠述臥碑而俱古龍圖璀璨皆世爲天下法之程鶴齡深嚴無
不許外人知之祕讀一章之

發諭臚四事之

傳心是則是倣以守

先丕顯丕承而

啟後顧惟

神謨

聖德積歲月以增贏亦且史筆士言陋見聞之未稔疇克博通
乎掌故類皆懸揣乎

觚稜從未有疊采摹雲重光繪日

文

武布方策廣姬書百版之儲

堯

舜協勲華續唐典一編之舊如

今日者也欽惟

皇帝陛下

嘉會建元

慶符毓瑞

帝出乎震契

東朝炷祝之馨星其於辰

御北斗杓旋之正

祥肇初基之履阼

恩依繼德之那居極茂軌於盈庭總鴻章於

當辰迨閱

親政三年之久聿念

貽徵冊載以來典富珠囊

訓藏金檢

鑒館局鈔書之近

畀儒臣給札之榮考時累洽以重熙卽事援今而證古仍史家
續志之例攬目六門舉

皇朝大內之經恢綱百代龕漸脫藁屢蒙

乙覽之

賜裁僂計成編適屆丙弧之周紀荷

宣觀於鉅製加弁首之

序言虔誦再三傾心倍萬條貫

獻文之要旨管闕

善述之精心闡維誥定中之篇追邇雖復古之雅溯

盛京之

開國

儉留土壁糠燈緬

章祖之宅都輝增雲棟松牖

作室昌五世俾勤墉塗黻以垂床如堂凜

一尊胥納甌針車而効順

家法仰乾清厪上

天與

子卽與賢

寶圖陳交泰几端

聖其德有其位

寢門咫尺篤日三問

膳之懷閭闔九重勤夜午

求衣之地朝

待章而秉燭

知本如神晝

接對以褰帷

顏常有喜乃至樸椽由舊弗繁興土木之工內帑積盈無宣索
金錢之事備使令於禁闥額猶未及三千節供用於歲支數止
畧逾二萬而且誌

仁皇之惜福木枕斑存銘

憲祖之遺恩革鞋圍式

座巍勤政曾聞不易蛀璫庶接

端凝具記所藏綵櫃永寶吉祥之

法物恒昭淳茂之古風克于邦而克于家識其大以識其小鋪
觀盛事當禮明樂備之晨裒輯彝章在

文煥

功成之會憶曩日

飴承

萱幄介十旬以暨八旬自

誕年竿益

椿庭衍五裘而躋九裘養尊

太上親見

四朝天子之儀瑞報初生倍開百室元孫之祉

寧壽聽金鏞之奏耆筵再次行觴

惇敘耑朱芾之班宗袞二千增牒伊古帝王家庭無此樂凡皆
朝廷典冊所必登至夫左

太廟右

社稷歲時

輦肅樓街東

文淵西

武英今古櫛充蘭棋啟朱垣而

幸苑觀濬偕百部之徠凌

紫閣而建標譙凱偉

十全之績地並連乎宮鎮景非翫以蓬瀛間從特筆之書參仿
前編之式先膳

丹綵因記事以纂言繼錄

黃綾備證詩而爲史虞百一之呈漏幸重疊以綴聯從頭載校
夫汗青拜手欣陳乎副墨伏願

德徧垓埏

命基宥密

清寧贊化長膺

萬福之源

彝訓憲章高媲一經之作

嚴恭寅畏所其無逸

聰明睿知足以有臨

統天曰太和中保和

斂時以建極會極歸極從此

球圖珍重並源通津溯粲琅嬛仙府之光華卽今

瓊笈流傳等周監夏殷崇矩獲先民之制作

臣

等曷任踴躍欽

忭之至

